

quàm nimis sollicito tuendæ meæ innocētiae studio mouere aliquas turbas. Neque verò nunc ad scribendum fuisset inductus, si tantum cum improbis & prauis illis hominibus mihi negotium foret, qui præsentem antehac furiose persecuti, nunc absentem indignis calumnijs lace- rant: sed habēda piorū hominum ratio, quibus ego facile ignosco, quòd sinistrè de me iudica- uerint, modo iustam satisfactionem placidis a- nimis & æquis auribus nunc admittant.

Principio, hoc de animi mei sensu præfari co- gor, quoties memoria repeto, quale mihi annis circiter uiginti cū Sorbona bellū fuerit, nō pos- sum satis mirari quomodo caduco homuncioni robur suffecerit. Quoties autē liberationis meæ recordor, vox illa, qua celebratur in Psalmo redēptio Ecclesiæ Dei, in corde meo personat,

*Psal. 126. a. 1.* Quum reduceret Dominus captiuitatem Sion, fuimus tanquam somniantes. Venit in mentem & illud de Petri ereptione è manibus Herodis scriptum à Luca, Et exiens è carcere, sequeba- tur angelum: & nesciebat quod fiebat per an- gelum, sed putabat se visum videre. Tandē ve- ro ad me reuersus, cū Petro dico, Iam scio ve-

*Act. 12. b. 9.*